



O'ZBEKISTON OVOZI

2011-yil, 9-iyul. Shanba

81 (31.357)

Ijtimoiy-siyosiy gazeta

1918-yil 21-iyundan chiqq boshlagan

www.uzbekistonovozi.uz

Буюк ва муқаддассан, мустақил Ватан!



Амир Темур шахсини идрок этиш — тарихни идрок этиш демақдир. Амир Темурни англаш — ўзанигимизни англаш демақдир. Амир Темурни улуғлаш — тарих қаърига чуқур идиз отган томирларимизга, маданиятимизга, қудратимизга асосланиб, буюк келажакимизни, ишончимизни мустақкамлаш демақдир.

Ватан равнақи, аввало, унинг фарзандларига, уларнинг маънавий ва жисмоний камолотига бевосита боғлиқ. Бу ўз навбатида ҳар бир юрtdошимизни зиммасидаги юксак фуқаролик масъулиятини ҳис этишга, ўз манфаатларини шу юрт, шу халқ манфаатлари билан уйғунлаштириб яшашга даъват этади.



Ўзбекистон Республикаси Президентининг ФАРМОНИ

ИШ ҲАҚИ, ПЕНСИЯЛАР, СТИПЕНДИЯЛАР ВА ИЖТИМОЙ НАФАҚАЛАР МИҚДОРINI ОШИРИШ ТЎҒРИСИДА

Республика аҳолисининг даромадлари ва турмуш даражасини янада муттасил ошириб бориш, фуқароларга ижтимоий мадани кучайтириш мақсадида:

1. 2011 йилнинг 1 августидан бошлаб бюджет муассасалари ва ташкилотлари ходимларининг иш ҳақи, пенсиялар ҳамда ижтимоий нафақалар, стипендиялар миқдори ўрта ҳисобда 1,15 баравар оширилсин.

2. 2011 йилнинг 1 августидан бошлаб Ўзбекистон Республикаси ҳудудида энг кам: а) ягона тариф сеткаси бўйича бошланғич (нулинчи) разряд — ойига 57 200 сўм; б) болалиқдан ногиронларга бериладиган нафақа — ойига 111 875 сўм;

з) зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа ойига 68 645 сўм миқдоридида белгилансин.

3. Белгилаб қўйилсинки, иш ҳақига қўшилидиган устама ва қўшимча ҳақларнинг барча турлари, шунингдек, пенсиялар, икки ёшгача бўлган болаларни тарбиялаётган оналарга, болали оилаларга бериладиган нафақалар ҳамда энг кам иш ҳақига нисбатан белгиланган компенсация ва бошқа тўловлар 2011 йилнинг 1 августидан бошлаб мазкур Фармонда белгиланган энг кам иш ҳақи миқдоридан келиб чиққан ҳолда амалга оширилади.

4. Ўзбекистон Республикаси Меҳнат ва аҳолини ижтимоий муҳофаза қилиш вазирлиги вазирликлари, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари,

бюджетдан молияланадиган ташкилот ҳамда муассасалар билан биргаликда пенсиялар, нафақалар, стипендиялар ҳамда бюджет муассасалари ва ташкилотлари ходимларининг лавозим маошлари миқдорини мазкур Фармон қоидаларидан келиб чиққан ҳолда ўз вақтида қайта ҳисоблаб чиқишни таъминласин.

5. Бюджет муассасалари ва ташкилотлари ходимларининг иш ҳақи, пенсиялар, нафақалар ва стипендияларнинг оширилиши билан боғлиқ сарф-харажатлар республика Давлат бюджети ва Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағлари ҳисобидан амалга оширилсин.

Хўжалик ҳисобидаги қорхона ва ташкилотлар 2011 йилнинг 1 августидан бошлаб мазкур Фармонда белгиланган энг кам иш ҳақига мувофиқ, ишлаб чиқариш самарадорлигини ошириш ва меҳнат сарфини камайтириш ҳисобига иш ҳақи миқдорини оширсин.

6. Ўзбекистон Республикаси Президентининг 2010 йил 15 ноябрдаги ПФ-4253-сонли Фармони (7-банди истисно қилинган ҳолда) 2011 йилнинг 1 августидан бошлаб ўз кучини йўқотган деб ҳисоблансин.

7. Ўзбекистон Республикаси Адлия вазирлиги Молия вазирлиги билан биргаликда бир ой муддатда қонун ҳужжатларига ушбу Фармондан келиб чиқадиган ўзгариш ва қўшимчалар тўғрисида Вазирлар Маҳкамасига тақлифлар киритсин.

8. Мазкур Фармоннинг ижросини назорат қилиш Ўзбекистон Республикасининг Бош вазир Ш.М.Мирзиёев зиммасига юклансин.

Ўзбекистон Республикаси Президенти **И.КАРИМОВ**
Тошкент шаҳри,
2011 йил 7 июль

ЎзХДПда сиёсий ва фуқаролик маърифати



Владимир ГОНЧАРЕНКО олган суратлар.

Ахборот соҳасини ислоҳ қилиш

партия ташкилотлари фаолиятини кучайтиришга хизмат қилади

Ўзбекистон Халқ демократик партияси Марказий Кенгаши Тошкент шаҳар ва Яқкасарой туман кенгашлари билан бирга, пойтахтимиздаги Нефть ва газ конлари геологияси ҳамда қидирув институтида «Мустақиллик йилларида ахборот соҳасини ислоҳ қилиш, ахборот ва сўз эркинлигини таъминлаш масалалари» мавзусида ўқув-семинар ташкил қилди.

Унда партия Марказий Кенгаши ва Олий Мажлис Қонунчилик палатасидаги ЎзХДП фракцияси аъзолари, маҳаллий партия кенгашлари ходимлари, бошланғич партия ташкилот етакчилари ҳамда фаоллар иштирок этди.

— Демократик ислохотлар, янгилаш жараёнини кенг ёритиш, юрtdошларимизда ҳаётга янги қараш, хусусан, ёшларда фаол фуқаролик позицияси шаклланишида оммавий ахборот восита-

лари муҳим вазифани бажармоқда, — деди ЎзХДП Марказий Кенгаши раиси ўринбосари Шарбат Абдуллаева. — «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси»да ахборот соҳасини ислоҳ қилиш, ахборот ва сўз эркинлигини таъминлаш борасида устувор вазифалар белгилаб берилди. Бундан мақсад — оммавий ахборот воситаларини одам-

лар ўз фикр ва қарашларини эркин ифода этадиган минбарга айлантиришдан иборат. Бу жараёнда партия-миз фаоллари, маҳаллий Кенгашлардаги депутатлар муносиб иштирок этиши керак.

— Жамият ва давлат доимо ривожланишида, — деди Олий Мажлис Қонунчилик палатаси депутати, ЎзХДП фракцияси аъзоси Комила Каримова. — Шундай экан, матбуот замон талабига жавоб бера олиши керак. Айниқса, журналистларнинг мамлакатда ва жаҳонда содир бўлаётган ижтимоий-сиёсий жараёнларга ҳолис ва тезкорлик билан муносабат билдириши жуда муҳим. Бунинг учун, албатта, оммавий ахборот воситаларининг иқтисодий асосларини, моддий-техник базасини янада

мустақкамлаш зарур. Концепция асосида ишлаб чиқилган қонунларда партия-миз фракцияси бунга алоҳида эътибор қаратади.

Семинарда, шунингдек, бугунги кунда партия матбуоти ва интернетдаги сайти орқали ахборотни ўз вақтида, тез ва холис тақдим этиш масаласи юзасидан фикр-мулоҳазалар билдирилди. Олий Мажлис Қонунчилик палатасидаги ЎзХДП фракцияси, ҳудудий партия ташкилотлари ва маҳаллий вакиллик органларидаги депутатлик гуруҳлари фаолиятини таҳлилий ёритиш бўйича оммавий ахборот воситалари билан ҳамкорлиқни янги поғонага олиб чиқиш лозимлиги таъкидланди.

Элмурод ЭГАМКҮЛОВ,
«Ўзбекистон овози»
муҳбири.

Эътироф

Саёҳат қилиш учун Ўзбекистонни танлаганимдан мамнунман. Бу ернинг мусаффо ҳавоси, гўзал табиатининг ўзи кишига руҳий енгиллик, куч-қувват бағишлайди. Самарқанддаги тарихий обидалар билан бирга, замонавий турар-жойлар, меҳмонхона ва хизмат кўрсатиш масканлари, бог ва хиёбонларни томоша қилдик. Самарқанд бизда тарихий мерос улуғланган замонавий шаҳар сифатида катта таассурот қолдирди.

Серқуёш юртингизда ҳозир турли мевалар пишган вақт экан. Уларнинг таъми оғзимизда қолди. Бозорлар тўкин-сочин, дастурхонлар ноз-неъматга тўла. Халқингизнинг бағрикенглиги ва меҳмондўстлиги таҳсинга лойиқ.

Гюнтер ДИЕЛ,
(Германия).

Янгилик

Ёшлар учун янги иш ўринлари

Андижон шаҳрида Бандликка қўмақлашиш ва аҳолини ижтимоий муҳофаза қилиш маркази ва шаҳар прокуратураси ташаббуси билан бўш иш ўринлари ярмаркаси ўтказилди.

Тадбирда 119 та ташкилот, қорхона, муассаса ва хунармандлар аҳолига бўш иш ўринларини тақлиф этишди.

— 12 нафар маҳалладошим касб-корларига яраша иш топиш ниятида келган эди, — дейди «Ўзгариш» маҳалла фуқаролар йиғини раиси Маҳмудохон Ибрагимов. — Улардан уч нафари ихтисослиги бўйича ишга жойлашди.

Айниқса, ярмаркада коллеж битирувчилари ўзларига мос иш танлаш имконига эга бўлдлар.

— «Жаҳон буюм бозори»да компьютер мутахассислигига эҳтиёж бор экан, — дейди коллеж битирувчиси Бобурбек Толибжонов. — Компьютер ва офис жиҳозларини соғлаш ва таъмирлаш малакасига эга бўлганим учун шу ерга йўланма олдим.

Бўш иш ўринлари ярмаркасида 83 нафар фуқарога йўланма берилди, яна ўнлаб одамлар ўқув курсларига тақлиф этилди.

(Ўз муҳбиримиз).

Диққат, янги рукн!

Мустақиллик майдонидаги мулоқотлар

Мустақиллик майдони... Қадамидан ўт қақнаётган озод юрт ёшлари, бахтли болалиқнинг шодон кулгулари, ёши улуғларимизнинг тинчлик, озодлик шукроналари, Мустақиллик ва эзулик монументи пойига гул қўяётган Ўзбекистонимиз дўстлари, меҳмонлари, юрtdошларимиз, бахтиёр келин-куёвлар, Эзулик аркасидаги лайлаку турналарга қўлини чўзиб югураётган ўғил-қизлар... Мустақиллик майдони. Озод инсонлар орзулари, ниятлари, интилишлари.

→ 4



«ЭНГ УЛУҒ, ЭНГ АЗИЗ» — ЖУРНАЛИСТИКА СОҲАСИДАГИ НУҒУЗЛИ ТАНЛОВ

Юртимиз мустақилликни қўлга киритган буюк тарихий сана, халқимизнинг ижтимоий-сиёсий, маънавий ҳаётида беқиёс ўрин тутадиган, катта шоду хуррамлик билан нишонланадиган энг улуғ, энг азиз айём — Мустақиллик байрами тобора яқинлашмоқда. Шундай шуқуҳли дамларда Ватанимиз мустақил тараққиёт йўлининг залворли ютуқларини, халқимизнинг бунёдкорлик салоҳиятини ёрқин ҳаётини мисоллар асосида жаҳонро кенг тараннум этиш муҳим аҳамиятга эга.

→ 2

«ЎЗБЕКISTON OVOZI» — ХИЛМА-ХИЛ ФИКРЛАР МИНБАРИ, СИЗНИНГ МИНБАРИНГИЗ!

Обуна индекси — 220



O'zbekiston havo yo'llari



Хизматлар лицензияланган

Буюк Соҳибқирон изидан

■ Мустақиллигимизга шарафати билан улуг аждодларимиз тарихини эркин ўқиб-ўрганиш имкониятига эга бўлди. Амир Темури, Заҳриддин Муҳаммад Бобур, темурийлар даври, умуман ўтмишимизни теран тадқиқ этишга киришдик.

Яқинда Амир Темури қаламига мансуб «Темури тузуқлари» асари мукамал ҳолда, юксак сифат билан янгитдан нашр этилди. Маданий ҳаётимизда муҳим воқеа бўлган мазкур китоб Президент Ислам Каримовнинг сўзбошиси билан очилади. Бу тарихимизга бўлган қатъий эътиборнинг ёрқин намунаси.

Бобур номидаги халқаро илмий экспедициянинг Мустақиллигимизнинг 20 йиллигига бағишланган навбатдаги сафари ана шундай қутлуғ кунларда амалга оширилгани ўзига хос рамзий маънога эга. Бугунги кунда Ўзбекистон дунёга кенг назар ташламоқда, дунёни ўрганмоқда, айна пайтда ўзини оламга танитмоқда, жаҳон ҳамжамиятининг тенг ҳуқуқли аъзоси эканини намоён этишмоқда. Улуг бобуларимиз изларидан юриб, тарихимизни бойитадиган янги маълумотлар топиш, муҳим қўлёзма ва ноёб китоблар йиғиб, истеъмолга киритиш Бобур жамоат фондининг асосий мақсадларига қиради. Экспедициянинг навбатдаги «Соҳибқирон Амир Темури қадимлари бўйлаб» сафари ҳам ана шу режалар қаторидан ўрин олган эди.

Маълумки, экспедиция аввалги сафарларида Соҳибқироннинг Туркменистон, Афғонистон, Эрон, Туркия, Ҳиндистон, Покистон, Сурия, Йордания, Кавказ ўлкаларидаги қадимий қалаларини ўрганган, изланиб кўпгина муҳим манбаларни қўлга киритган эди. Бу галги мақсадимиз Дашти Қўпчқоннинг — ҳозирги Қозғонистон Республикаси, Россия Федерацияси ҳудудларида бўлиб, илмий изланишларни амалга оширишдан иборат эди.

Тарихда Амир Темури бобомизнинг юқорида зикр этилган ҳудудларга бир неча бор юришлар қилгани маълум. Шарафиддин Али Яздийнинг «Зафарнома»сида унинг миллодий 1366 йилда Сайрам (қадимги номи Исфижоб) билан Чаманкент (ҳозирги номи Чимкент)га борганлиги эслатилади.

Турон юрти муҳофазаси ҳамда халқаро мақоми кўндан бермаслик мақсадида буюк Соҳибқирон Мўғулистон (Чинга'ни улуси парчалангандан сўнг Шарқий Туркистон, Еттисув, Тангритоғ этаклари, Балхаш кўли, Иртиш ва Эдил дарёлари атрофидаги ерларни ўз ичига олган, Туғлуқ Темурхон томонидан тузилган давлат)га, Олтин Ўрдага қарши от сурган. 1405 йили Хитойга юриш уюштириб, қадимий Ўттор шаҳрига боргандан бетоб бўлиб оламдан ўтган.

Биз Форобда бўлиб, муаллими соний Абу Наср Форобий руҳларига Қуръон тиловат қилдик. Сўнг Соҳибқироннинг сўнгги маскани бўлган Ўттор қалъасига ўтдик. Бу шаҳар миллоддан аввалги биринчи асрда бунёд этилган, ўша пайтларда 150 гектар майдонни эгаллаган бўлиб, Чингизхон боққинида ваيران этилган. Оқ Ўрда хонлари томонидан яна тикланган, Амир Темури ва темурийлар даврида мустақкам харбий истеҳкомга айланган, масжид, мадраса, хонақоҳ, ҳаммом, кўркам иморатлар, равом кўчалар солинган. XVI асрга келиб ўзари ички низола оқибатида хувилаб қолган Ўттор шаҳрида бугун олиб борилмаган археологик қазилма ишлари билан танишдик. Археолог-олимларнинг айтишларича бу ерда осмон остидаги очик музей ташкил қилиш

кўзда тутилган. Ўтторга ўхшаш тарихий шаҳар харобалари бизнинг мамлакатимиздаги Термиз, Самарқанд, Хива ва водий шаҳарларида ҳам мавжуд бўлиб, у жойлардан ўзбек халқининг кўна тарихи хусусида қимматли маълумотлар топиламоқда. Жумладан, Андижон вилоятининг Марҳамат туманида жойлашган қадимги Мингтепада ҳам ана шундай изланишлар олиб борилмоқда.

Хожа Аҳмад Яссавийнинг пири ва бобоси Арслонбоб мақбарасини зиёрат қилдик. Мақбара жойлашган мавзё «Темури овули» деб аталаркан. Бу барчамизнинг диққатимизни тортиди.

Туркистон шаҳрида «Туркистоннинг шайхул-машойихи» (Алишер Навоий таъбири) Хожа Аҳмад Яссавий қабрларини зиёрат қилдик. Миллодий 1397 йилда Амир Темури Ясси (Туркистон)га ташриф буюриб, кўндан ўйлаб юрган ниятини амалга оширади — мавжуд бўлган кичик сағана устида бугунги кунда савлат тўкиб турган маҳобатли мақбара мажмуи барпо этиш ҳақида фармон беради, бино битгандан кейин унга вақф ерларини ажратишни таяинлайди. Бу ҳақда Соҳибқирон чикарган «Иноятнома — Вақфнома» ўн тўққизинчи асрда ҳам амалда эди.

Яссавий мақбараси ўзининг кўлами жиҳатидан ўша замонда бунёд этилган Самарқанддаги Бибиноним жомеъ масжиди, Кешдаги Оқсарой ва Дор ус-Сиедатларга тенглашадди. Яссавий мақбараси ёнидаги Улуғбек Мирзонинг қизи, Абулхайроннинг рафиқаси Робия Султон бегим мақбарасини ҳам зиёрат қилдик. Маълумки, Амир Темури миллодий 1391 йилда Олтин Ўрда хони Тўхтамышхонга қарши юриш қилар экан, улкан лашкар даставвал Саброн шаҳрида тўхтайдиган, ундан Сарик Ўзан мавзёга — ҳозирги Қозғонистоннинг Тўрағай вилоятидаги Сарикқўпа кўлига қуйилувчи сойдан ўтиб, Кичик тоғни ортда қолдириб, Жезқазғондан юз километрга шимолроқда жойлашган Улуғтоғга етди. Бу ерда тарихимиз учун жуда муҳим бўлган аjoyиб ҳодиса юз беради: Амир Темури фармони билан Соҳибқирон тузган қуйидаги матн эски ўзбек тилида тошга ўйиб ёзиб қўйилади. Мана, ўша сўзлар:

«Тарих етти юз тўқсон учда, кўй йил, қўлқамнинг ора ойида Туроннинг султони Темурибек икки юз минг кўшин билан ислом учун Тўхтамыш... хонлигига юриди. Бу ерга етиб, белги бўлсин деб ушбу битигтошни эздирди. Тангри нусрат бергай, иншоолло. Тангри фуқарога раҳм қилгай, (фуқаро) бизни дуо бирла ёд қилгай...»

Биз бу ҳужжатдан Темурибекнинг расмий унвони «Турон султони» эканини, унинг давлати расман «Турон» деб аталганини билиб оламиз. Мазкур нодир ёдгорлик ҳозир Санкт-Петербургдаги Эрмитаж музейида сақланмоқда.

Турон қўшини Улуғтоғдан кейин Илланчи дарёсидан ўтиб, тўрт ой даштда йўл босиб, Қус-

танай вилояти жануби-ғарби тарихий шаҳар харобалари томонидан Тоғол дарёсига чиқади.

Ушбу жойлар орқали сафар йўналишини давом эттирар эканмиз, Қозғонистон ҳудудида Россияга ўтиш пайтида Троицк шаҳри яқинидаги чегара-божхона масканларида бирмунча расмиятчиликни енгиб ўтиш учун ярим кун вақтимиз кетди. Беш юз километр масофани босиб ўтиб Челябинск шаҳрига етиб бордик. Эртасига Варна томон йўл олар эканмиз, Амир Темури қадами етган Тоғол дарёси бўйида тўхтадик. Дарёдан Фарб томонга мардонавор кечиб ўтаётган Турон қўшини аскарларини хаёлимиздан бир-бир ўтказдик.

Экспедициямизнинг режасига халқ орасида ва тарихий манбаларда «Амир Темури минораси» (Башия Тимура) деб аталадиган шарқона тарихий ёдгорлик билан яқиндан танишиш ҳам киритилган эди. Бу табарруқ зиёратгоҳ Челябинск вилоятининг Варна туманида жойлашган бўлиб, вилоят марказидан уч юз километрлар жанубда экан.

Машинамиз туманга кираверишда «Варна» деб ёзилган катта дарвоза олдида тўхтади. Атроф ям-яшил, хушманзара жойлар. Дарвоза пештоқда шарқона бир осори атиқа сурати нақш қилинган эди. Бу ҳам бизни, албатта, бефарқ қолдирмади. «Амир Темури минораси» бўлиб, бу ёдгорлик Варна туманининг рамзи сифатида қабул қилинган экан.

Туман марказидан беш чақиримча жануби-шарқда кенг дала ястаниб ётарди. Узокдан даланинг ўртасида миноранинг

сабабларга кўра бинонинг ич қисми текислаб юборилган экан. Қабртошларда маълумот берувчи ёзувлар бўлиши табиий эди.

Ўша пайтда ўтказилган тадқиқотлар натижасида пойдевордан иборат бўлган уч метр сағана остидан монголоид аёл ва эркак бош чаноқлари топилганлиги қайд этилади.

Ёдгорликнинг айнан XIV асрда, Турон шаҳарларида урф бўлган қадимий қизғиш пишиқ ёштдан қурилгани, бундай услуб ва тарх билан обидалар тиклаш тажрибаси, аънанаси ўша даврларда кўшни ҳудудларда яшаган халқлар ва уларнинг ҳукмдорларида бўлмагани эътиборга олинса, мазкур «Амир Темури минораси»нинг Соҳибқирон меъморлари ва усталари ижодига мансублигига шубҳа қолмайди. Шунингдек, 1396 йили таникли шoir Сайфи Сароий томонидан «Сухайл ва Гулдурсун» достонининг ёзилиши ҳам ривоятдаги севишганлар воқеасининг ҳаққонийлигини, ёдгорликнинг Амир Темурига дахлдорлигини тасдиқлайди. Муаллиф бежиз қайд этмаган.

Хатм эттим бунни тарихга
ёдгор,
Бу ёдгориде ёлгон йўку

Варнада бўлганимизда бизни Жанубий Урал темир йўл бошқармасига қарашли «Таймерлан» темир йўл бекати борлиги ҳам хайратга солди. Бунда ҳам Амир Темури минорасининг таъсири бўлгани аниқ.

Варнадан чиқаверишда «Ўзбек таомлари» деб ёзилган лавҳа эътиборимизни тортиди. У ерда миллий таомларимиздан тамадди қилиб олдик. Бу ҳам бизни, албатта, бефарқ қолдирмади. «Амир Темури минораси», «Амир Темури» бекати, «Ўзбек ошхонаси» ва Соҳибқирон номи билан боғлиқ бошқа жойлар... Бундай аталашларда бир-бирига боғлиқлик, мантиқийлик бор, албатта.

Турон қўшини дашту биёбонларда олти ой йўл босиб, 1391 йил июнь ойида, ниҳоят, машаққатлар билан Қундузча (Кондурча) мавзёга етиб боради. У ерда 1391 йил 18 июнь куни нафақат Турон ва Русь, балки жаҳон тақдири учун муҳим аҳамият касб этган жанг содир бўлади.

кораси кўринди. Унинг олдида етиб борганимизда, кўз олдимизда бизнинг тушунчамиздаги мақбараларга ўхшаш, чорқирра шаклда қурилган, баландлиги 17 метрлар келадиган бино қад кўтарди. Бинога минорасимон қўбба ўрнатилган. Кузатишларимизга қараганда, мақбара ичи 6,7х7,5 сиртки томонлари 12,5х10 метрни ташкил этади. Манбаларда бу ерда Амир Темурининг қизи (ё набираси) дафн этилганлиги зикр қилинади. Биз мақбарани зиёрат қилиб, Варна шаҳридаги туман тарихи музейига кириб, ўлка ва минора тарихи билан танишдик. Музей экскурсоводининг ҳикоя қилишича, бино XIV асрнинг охирида Амир Темури томонидан (балки унинг буйруғи билан) қурилган. 1769-1796 йиллари Санкт-Петербур университетининг профессори П.С.Паллас бошчилигида ушбу экспедиция мақбарада илмий-археологик тадқиқотлар олиб боради. Афсуски, таъмирлаш жараёнида номаълум

Маълумки, Амир Темури ва Олтин Ўрда хони ўртасидаги жанглардан бири ҳозирги Самарка вилояти ҳудудида бўлиб ўтган. Тўхтамышнинг Соҳибқирон хузурига бир неча бор юқунди келгани ва хар гал Амир Темури унга меҳрибонлик кўрсатгани маълум. Тўхтамыш ўзини унглаб, қадди-бастини тиклаб олгач, Турон мулкининг шаҳри кентларига ҳужум қилиб, ёндириб қоча бошлади. Амир Темурининг элчилар орқали оғоҳлантиришларига парво қилмади. Охири тоқати тоқ бўлган Соҳибқирон Тўхтамышга қарши қўшин тортишга мажбур бўлади.

Шарафиддин Али Яздий ва Низомиддин Шомийларнинг ёзишларига, Турон қўшини дашту биёбонларда олти ой йўл босиб, 1391 йил июнь ойида, ниҳоят, машаққатлар билан Қундузча (Кондурча) мавзёга етиб боради. У ерда 1391 йил 18 июнь куни нафақат Турон ва Русь, балки жаҳон тақдири учун муҳим аҳамият касб этган жанг содир бўлади.

Бошқирлар ва Қозон татарларининг Амир Темури ва Тўхтамыш жанги тўғрисидаги тарихий тасаввурлари, қарашларини ўрганиб аниқлик киритиш мақсадида автоулоғимизни бир вақтлар Олтин Ўрда таъсирида бўлган ҳозирги Бошқирдистон ва Татаристон томон бурдик ва у жойларда керакли маълумотлар тўплашдик.

9 июнь куни Қозон университетиде профессор-ўқитувчилар Х.Миннегулов (академик), А.Юсупова, М.Бакиров, Т.Гилёзов, А.Ганиева ва бошқалар иштирокида ўтган мулоқотимиз мавзуси ҳам Амир Темури ва Тўхтамыш муносабатлари хусусида борди. Истиқлол йилларида нашр этилган «Темури тузуқлари», Шарафиддин Али Яздийнинг «Зафарнома», Бобур Мирзонинг «Бобурнома», Муҳаммад Ҳайдар Мирзонинг «Тарихи Рашидий», Бобур девони сингари



Челябинск вилоятининг Варна туманидаги Амир Темури минораси

китоблар юзасидан суҳбатлашдик, уларга ушбу асарлардан намуналар ҳада қилдик. Сўнг Қозон шаҳрининг диққатга сазовор жойларини — Қозон Кремли, Жомеъ масжиди, Волга соҳилларини зиёрат қилдик-да, асосий жанг бўлиб ўтган Самарка ва Ульяновск ҳудудларига қараб йўл олдик.

Вилоят маркази Самарка шаҳрига тўқсон километр қолганда, йўл кўрсаткичида «Кошки» деган номга кўзимиз тушди. У айнан биз қидириб келаётган кишилар яшайдиган ва тарихий жанг содир бўлган жой яқинидаги қишлоқ эди. Машинамиз тўхтаиб, кўрсаткичга бирпас қараб турдик-да, автоулоғимизни ўша ёққа буришга қарор қилдик. Бу қишлоқда истиқомат қиладиган ёш тарихий олим, машҳур «Бир мурабба сири» мақоласининг муаллифи Михаил Арнольдони топдик.

Маълумки, Москвада чоп этиладиган «Наука и жизнь» журнали 2004 йили юқори синф

эмас, балки Кондурча дарёси бўйидаги Амир Темури Олтин Ўрдани тор-мор этган жангидир, деган фикрни олға суради.

Бу мулоҳазалар тарихга янгина қараш меваларидир. «Наука и жизнь» журнали танлов ҳайъатининг мақола муаллифини голиб деб топиши ҳам М.Арнольднинг қарашларининг ҳақиқатга яқин эканини кўрсатди. Чиндан ҳам, Амир Темурининг Россиянинг Олтин Ўрдага зулмидан озод бўлишидаги хизматлари қаттадир.

Кошки қишлоғи Қозон — Самарка магистрал йўлидан 30 километр қапда жойлашган. Арнольдлар Кошки тумани марказидаги 20-уйнинг 9-хондониде истиқомат қилишар экан. Экспедициямизнинг иши ўнлаб йилларда Михаил ва унинг отаси, тарихчи Николай Арнольдлар билан бирга бўлиб,

Маълумки, Москвада чоп этиладиган «Наука и жизнь» журнали 2004 йили юқори синф

рига кечки пайт етиб келдик.

Биз учун қутлимган, гоёқ қизқарли воқеалардан бири Соҳибқирон Амир Темури билан Тўхтамыш ўртасида бўлиб ўтган жанг манзарасини акс эттирадиган аънанавий этнографик фестивал ҳақидаги маълумотлар бўлди. Бу фестивални Самарка вилоят тарих ва ўлкашунослик музейи, вилоятдаги маданий-маърифий ташкилотлар ҳамкорлиқда ўтказиб келишмоқда экан. Мазкур оммавий тадбир ҳам рус халқининг улуг бобомизнинг донишманд ва зуққолиги, шиъогаиға бўлган ҳурмат ва эътибор намунаси.

Экспедициямизнинг галдаги вазифаси шу музей ходимлари билан, у ердаги тарихий ашёлар билан танишиш, фестивал ўтказиш жараёниларини чуқурроқ ўрганиш бўлгани учун бу ерга ташриф буюрдик. В.Алабин номидаги мазкур музей директори Людмила Кузнецова ва унинг ўринбосарлари, бўлим мудирлари иштирокида қизқарли суҳбат бўлиб ўтди. Людмила Валентиновна Самаркада Амир Темури ва Тўхтамышхон муҳорабаси ва унинг аҳамиятига маҳаллий аҳоли катта эътибор билан қарашини баён қилиб берди. Унинг айтишига кўра, вилоят илмий жамоатчилиги Кондурча бўйидаги муҳорабани улуг жанг деб баҳолайди, ҳатто бир неча туманлар, у айнан бизнинг ҳудудимизда бўлиб ўтган деб баҳслашадиган, барча кекса-ёш бу воқеанинг Самарка тупроғида юз бергани билан фахрланади.

Амир Темури жаҳон тарихидаги буюк сиймолардан биридир, — деди музей директори Л.В.Кузнецова. — Кондурча дарёси бўйидаги жангнинг аҳамияти катта. Унинг биз учун тарихий ўнлаб беқиёс. Шу воқеага бағишлаб ёдгорлик битилган эди. Ота-бола Арнольдлар бизни Қоровултепага бошладик.

Бизнинг фикримизча, муҳораба учун энг қулай жой Кондурча дарёси атрофида, Новае жизнь посёлкаси билан Надеждино қишлоғи ўртасида бўлган. Мана, ўша Шарқ манбаларида Қундузча номи билан машҳур бизнинг Кондурча дарёсиз! — деди Николай Арнольд. — Амир Темурининг қароргоҳи худди мана шу тепалиқда жойлашган. Бу ердан узок масофалар яққол кўриниб туради.

Сузга Михаил аралашди: — Ҳа, Шарқнинг буюк ҳукмдори Амир Темури 1391 йилнинг 18 июнида жанг олдида айнан шу ерда, Қоровултепада турган. Шу ердан кенг микёсли жанг бошқарган. Атрофдаги Сантемир, Қондабулоқ, Қўш каби дарё ва жой номи айна ушбу машҳур жанг ва мурабба саркарда билан боғлиқ деб ҳисоблаймиз.

Николай Анатольевич шу ерда аjoyиб бир тақлифни ўртага ташлади:

— Агар мана шу тарихий масканда Амир Темурининг Тўхтамышхон устидан галабасига бағишланган ёдгорлик ўрнатилса, мақсадга мувофиқ бўларди.

Ушбу фикрни биз экспедиция аъзолари ҳам маъқуллаб, қўллаб-қувватладик. Биз Кондурча дарёси ва унинг атрофи, Қоровултепа манзил, «Темури овули», «Таймерлан» номида станция бекати (Жанубий Урал темир йўли), жуда кўп дўконлар, ошхоналар (Уфа, Атиров ва бошқаларни)ни кўрдик.

Буларнинг бари халқ хотирасига ўрнашган. Хотира эса мангуликдир.

Зокиржон МАШРАБОВ,
экспедиция раҳбари,
Ўзбекистонда хизмат кўрсатган маданий ходими,
Муҳаммад АЛИ,
Ўзбекистон халқ ёзувчиси,
Ваҳо РҲАҲМОНОВ,
тарихий жанг кенгаши,
Қамчибек КЕНЖА,
Ўзбекистонда хизмат кўрсатган маданий ходими,
ёзувчи.



Суратда: (чапдан) Қ.Кенжа, М.Али, Н.Арнольд, З. Машрабов, М.Арнольд, В.Раҳмонов

Диққат, янги рукн!

Мустақиллик майдонидаги мулоқотлар



Завфар ТҲЙМУРОДОВ,
шифокор:

— Ҳозир Кўшраб туманиданман. Давлат санитария ва эпидемиология назорати марказида ишлашман. Айна пайта Тошкент врачлар малакасини ошириш институтида тажриба оширишимиз. Бўш вақт бўлди дегунча, азим пойтахтимиз жамолини томоша қилишни, Мустақиллик майдонига келишни шерикларим билан одат қилиб олдим.

Мустақиллик йилларида мамлакатимизда барча соҳаларда катта ислохотлар ўтказилди. Мисол учун, ўзимнинг соҳамни олайлик. Ҳозирги ёшлар ишонмасликлар мумкин, собиқ тузум даврида табиб ўқиб билиш эди. Кишлоқлардаги шароитларни эсласам, ҳозирги кунга таққосласам, ер билан осмонча фарқи бор. Худо кўрсатмасин, кимдир оғир касал бўлиб қолса ёки кунтилмаган жароҳат олса уни туман марказига олиб боришга тўри келарди. Бунинг ўзи бўлмасди. У пайт-

ларда ҳозиргидек ҳар бир хонадонда машина қайда дейсиз.

Ҳозир-чи, туман ва вилоят марказларидаги шароитларни кўя туринг, қишлоқ врачлик пунктларини кўриб ҳавасингиз келади. Мен бир нарсани ишонч билан айта оламан: ҳозирги Кишлоқ врачлик пунктларида яратилган шароит шўро даврида марказий шифохоналарда ҳам йўқ эди! Ҳатто ўшанда биз бундай табиб жиҳозлар борлигини билмасдик, тасаввур ҳам қилолмасдик.

Президентимизнинг нутқидаги бир жиҳат эътиборимни тортди. Ўзбекистонда оналар ўлими даражаси 2 баравардан кўпроқ, болалар ўлими 3 баравар камайди. Кейинги 20 йил давомида одамларнинг ўртача умр кўриши 67 ёшдан 73 ёшга, аёлларнинг умр кўриши эса 75 ёшга ошди. Мана, мустақилликнинг шарофати, мана бизга истиқлол берган имкониятлар!

Ҳар гал Мустақиллик майдонига келганимда раҳматли отам кўз олдимга келади. У киши умр бўйи чўпонлик қилиб, хўжаликнинг мол-қўйини боққан. Лекин собиқ тузум даврида на унинг ўзи, на меҳнати қадр топмади. Айна мустақиллик йилларида отамга «Ўзбекистонда хизмат кўрсатган чорвадор» унвони берилди. Акам ҳам ота касбини танлаган. У ҳам истиқлол йилларида «Шухрат» медалига лойиқ қўрилди.



Клара ҲУСАНОВА,
ўқитувчи:

— Самарқанднинг Челақ шаҳриданман. У ердаги 72-мактабда ўттиз йилдан буён рус тили ва адабиёти фанидан дарс бераман. Қанча кучим етса, шунча вақт ўқитувчилик қилишга тайёрман.

Талабалигим Тошкентда ўтган. Шунинг учун ҳам бу шаҳарнинг қади ўзгача. Пойтахтга тез-тез келишга ҳаракат қиламан. Ҳар гал бетакор бунёдкорлик ишларидан ҳайратга тушаман.

Бу сафар «Чинобод» сыхатгоҳида соғлигимни тиклаш мақсадида келдим. Бугун шерикларим билан Мустақиллик майдонини зиёрат қилдик.

Истиқлол бизга берган имкониятлар беҳисоб. Айна собиқ йилларида оиламиз учун давлат томонидан уй ажратилди. Унганча кичкина ҳовлида турардик. Уша пайтдаги қувончимизни сўз билан таърифлаш қийин.

Ўғлим ҳам Тошкентда ўқиди, ҳозир банк соҳасида ишлайди. Турмуш урғотини билан фарзандларимизнинг ҳузур-

ҳаловатини кўряпмиз. Буларнинг ҳаммаси учун Истиқлолга шукрона айтаман.

Кўпни кўрган инсон сифатида мустақиллик фарзандларига бир гапни айтишни истардим: Энг улуг, энг азиз неъмат — Мустақиллики асраш сизларнинг қўлингизда.

Абдуқамол БЕГИМҚУЛОВ,
пенсионер:

— Асли зоминликман. Салкам 40 йил мактабда она тили ва адабиёт фанидан дарс бердим.



Рамила ДҲУЗДИБАЕВА,
ҳалқ таълими ходими:

Биз ўқиган, ишлаган даврларда мактаблар оғир аҳволда эди. Ҳозирги мактабларга қараган, ишонинг, биз бунақасини орзу ҳам қила олмасдик! Лицей ва коллежларни айтмай-сизми, буларнинг ҳаммаси истиқлол туфайли-ку!

Мамлакатимизнинг ҳамма жойига таралган раво йўллар, чекка кишлоқларда тикланаётган замонавий уйлارга боқинг. Улар ҳеч бир ривожланган давлатникидан кам эмас. Бундай беқиёс бунёдкорлик Юртбошимизнинг «Биз ҳеч кимдан кам эмасмиз, кам бўлмаймиз

ҳам» деган ниятларининг ижобатидир.

Бугун Мустақиллик майдонига қизим, набирам билан келдим. Бу ерга биринчи марта 1969 йилда келгандим. Ўшанда бу майдоннинг бугунги қиёфасини тасаввур ҳам қилиб бўлмасди. Назаримда, мустақиллик бизга берган, бераётган имкониятларнинг ҳаммасини санашининг ёки барчасини ёзишнинг иложи йўқ. Истиқлол энг аввало инсон қадрини юксалтирди. Қилинаётган барча хайрли ишлар замирида ҳам мана шу ҳақиқат мўжассам. Тилагим, шу болаларимиз биз кўрган қийинчиликларни, хўрликларни кўрмасин. Бу кунларнинг қадрига етиш керак.



— Беруний тумани ҳалқ таълими бўлимида услубчи бўлиб ишлайман. Тўрисишни айтсам, Тошкентни, Мустақиллик майдонини яхши кўраман. Пойтахтимизга ҳар сафар келганимда бу майдонни зиёрат қиламан.

Биз қорақалпоғистонликлар мустақил тузумдан энг кўп азият чекканмиз. Орадан 20 йил ўтибдики, у қолдирган жароҳат ҳали-ҳамон битмайди, зирқирайди. Оғрийди.

Президентимиз жаҳон ҳамжамиятининг эътиборини Орол фожиасини бартараф этишга қаратиб келмоқда. Айна у кишининг тақлифига биоан БМТ Бош котиви Пан Ги Мун ўтган йили юртимизга ташриф буюрди ва Орол бўйидаги мураккаб экологик вазият билан танишди. Бу ердаги ҳолатни ўз кўзи билан кўрди, аҳоли билан суҳбатлашди.

БМТнинг Мингйиллик ривожланиш мақсадларига бағишланган ялпи мажлисида ҳам Юртбошимиз бу муаммони яна бир бор кўтариб чиқди. Дарҳақиқат, Орол муаммоси — бу шубҳа минтақада яшаётган миллионлаб одамларнинг дарди, муаммосидир.

Яна бир муҳим жиҳатни айтиб ўтишим лозим. Президентимиз ҳар йили Қорақалпоғистонга ташриф буюради. У ердаги аҳвол билан, одамларнинг кайфияти билан қизиқади. Мен бутун қорақалпоқ халқи номидан у кишига раҳмат айтмоқчиман. Қорақалпоқ халқи ҳеч қачон бугунгидек эъзозланмаган, ардоқланмаган. Нимадандир нолишга асосимиз йўқ. Битта давлат бўлса, Президент бўлса шунчалик бўлади-да!

Тадбир

■ Андижон шаҳрида республика ёш автонazorатчилар танлови бўлиб ўтди. Унда 14 та жамоа вакили ўзларининг йўл ҳаракати хавфсизлиги қоидалари бўйича олган билимларини намойиш этишди.

Ёш автонazorатчилар

Икки кун давом этган беллашувда Андижон шаҳридаги «Болалар шаҳарчаси» тарбияланувчиларининг «Пиёда» гуруҳи аъзолари фаол иштирок этиб, олди ўрнига муносиб қўрилди. Топкент, Фаргона, Самарқанд ва Хоразм вилоятлари вакиллари эса биринчи ўринни эгаллашга муваффақ бўлишди.



— Бу беллашув республикамизда мунтазам ўтказиб келинмоқда, — дейди ҳакамлар ҳайъатининг раиси, Ўзбекистон Республикаси Ички ишлар вазирлиги йўл ҳаракати хавфсизлиги бош бошқармаси бўлим бошлиғи, подполковник Анвархўжа Сулаймонхўжаев. — Андижонлик автонazorатчилар бу йилги мусobaқаларда чуқур билимга эга эканлигини исботлади. Энди улар шу йилнинг 5-13 август кунлари Россия Федерациясида ўтказиладиган халқаро беллашувда қатнашади.

Тадбирнинг ёпилиш маросимида голиб жамоалар «Akva invest» суғурта компаниясининг эсдалик совғалари билан тақдирланди.

Аҳмадилло СОЛИЕВ,
«Ўзбекистон овози» муҳбири.

Спорт

Олимпиячиларимиз рақиблари: Австралия, Ироқ ва БАА

■ Куала-Лумпур (Малайзия)да жойлашган ОФК қароргоҳида 2012 йили Лондонда бўлидаган XXX ёзги Олимпия ўйинларининг Осие минтақаси учинчи саралаш босқичига қуръа ташланди.

наларда бўлиб ўтиши режалаштирилган: 2011 йил 23 ноябрь. БАА — Ўзбекистон
2011 йил 27 ноябрь. Австралия — Ўзбекистон
2012 йил 5 февраль. Ўзбекистон — Австралия
2012 йил 22 февраль. Ироқ — Ўзбекистон
2012 йил 14 март. Ўзбекистон — БАА.

Осие минтақаси саралаш босқичининг «А» ва «С» гуруҳларидан эса куйидаги жамоалар жой олган: «А» гуруҳи: Жанубий Корея, Қатар, Саудия Арабистони, Уммон.
«С» гуруҳи: Япония, Баҳрайн, Сурия, Малайзия.

Эслатиб ўтаман, гуруҳ голиблари тўғридан-тўғри Лондон олимпиядасига йўлланма олади. Иккинчи ўрин соҳиблари эса «лей-офф» босқичига берилган ягона йўлланма учун курашади.

«Бунёдкор» анъанани бузмади

■ 7 июль кун футбол бўйича Ўзбекистон миллий чемпионати олий лига жамоалари расман биринчи давра баҳсларини ниҳоясига етказишди. Шу кун чемпионат ўнинчи турининг қолдирилган «Пахтакор» — «Бунёдкор» жамоалари баҳси бўлиб ўтди.

лиги сақлаб қолинди — 0:0. Натижада бу ҳисоб жамоаларнинг чемпионат жаҳвалидаги мавқеига таъсир қилмади.



Мазкур учрашувга қизиқиб жуда баянда эди. Жамоалар бунгача ўзаро саккиз марта баҳс қилган. Шулардан иккитасида бунёдкорчилар ғалаба нашидасини суришган, қолган олти ўйинда эса дуранг қайд этилганди.

«Пахтакор» Марказий стадионида кечган бу гап баҳсида ҳам «Бунёдкор» жамоаси анъанани бузмади. Мурсосиз ва шиддатли ўтган учрашувда дарвозалар даҳлсиз-

Биринчи даврадан кейинги вазият

	Ғ	Д	М	Т-Н	О
1. Бунёдкор	11	2	0	31-6	35
2. Насаф	9	3	1	24-6	30
3. Пахтакор	9	2	2	16-6	29
4. Нефтчи	7	2	4	16-10	23
5. Олмалик	6	3	4	21-18	21
6. Бухоро	5	3	5	10-11	18
7. Машъал	5	3	5	15-19	18
8. Андижон	5	2	6	18-17	17
9. Металлург	5	0	8	17-23	15
10. Навбахор	3	4	6	8-13	13
11. Шўртан	3	2	8	10-25	11
12. Қизилқум	2	4	7	9-19	10
13. Сўғдиёна	2	3	8	16-29	9
14. Динамо	2	1	10	6-15	7

Диққат, танлов!

Адлия вазирлиги, «Ўзбекистон маданияти ва санъати форуми» жамғармаси, «Туронбанк» акциядорлик тижорат банки ва Электрон оммавий ахборот воситалари миллий ассоциацияси «ЭНГ ЯХШИ ҲУҚУҚ ТАРҒИБОТЧИСИ» танловини эълон қилади.

Мамлакатимизда ҳар томонлама соғлом ва баркамол авлодини воғта етказиш, аҳолининг ҳуқуқий маданиятини юксалтириш, шунингдек, ёшларимизни миллий ва умуминсоний қадриятлар руҳида тарбиялаш масаласи давлат сиёсатининг устувор йўналишларидан бири ҳисобланади. Мазкур танловдан мақсад — аҳолининг ҳуқуқий саводхонлигини ошириш, ёш авлодини ҳуқуқий жиҳатдан етук қилиб тарбиялаш, ушбу йўналишда фойдалилик кўрсатган, аҳоли, айниқса, ёшлар орасида кенг қўланилиб тарғиботчилик аммалга оширилган ҳуқуқ тарғиботчиларини аниқлаш ва уларни рағбатлантиришдан иборат.

■ номзоднинг сўнги 2 йил мобайнида жамиятда ҳуқуқий онг ва маданиятни юксалтириш, аҳолининг ҳуқуқий саводхонлигини ошириш борасида олиб борган ишлари (матбуотда ва веб-сайтларда эълон қилинган мақолалар, буклетлар, плакатлар, рисо- лалар, савол-жавоб ва шарҳ- ловчи қўлланмалар ҳамда ҳуқуқий тарғибот олиб борганини тасдиқловчи бошқа ҳужжатлар).

■ Ҳужжатлар 25 июлга қадар қабул қилинади. Ҳуқуқ тарғиботчилик аммалга олиб борган ишлари, дипломлар, статуеткалар, совринлар ва белгиланган микдордаги пул муқофолари билан тақдирланади. Ҳуқуқ тарғиботчилик аммалга олиб борган ишлари ҳақидаги эълон қилинади.

ҚЎШИМЧА
МАЪЛУМОТ УЧУН
Телефон: (998-71) 233-39-84.
Факс: (998-71) 233-39-84.
E-mail: press@minjust.gov.uz

«Энг яхши ҳуқуқ тарғиботчиси» танловида республикамизнинг барча фуқаролари, мамлакатимизда яшаш гувоҳномасига эга бўлган фуқаролиги бўлмаган шахслар иштирок этиши мумкин.

Танлов ҳар йили Мустақиллик байрами арафасида ўтказилади.

Ҳатта қуйидагилар илова қилиниши лозим:

- тегишли ташкилот ёки таълим муассасасининг тавсияси;
- номзоднинг паспорт нусхаси ва анкетаси;
- дойилиги учун;
- «Оммавий ахборот воситаларида ҳуқуқий маданиятни кенг тарғиб қилганлиги учун»;
- «Ҳуқуқ тарғиботчилик аммалга олиб борган ишлари ҳақидаги эълон қилинади»;
- «Энг ёш ҳуқуқ тарғиботчиси».

Танловда қатнашиш истагани билдирган номзодларнинг ҳужжатлари ва материаллари ташкилий қўмитанинг ишчи органига расмий хат билан топширилади.

Самарқанд вилояти қурилишида танлов савдолари ва нархларни шакллантириш ҳудудий консалтинг маркази «Ўзбекистон овози» газетасининг 2011 йил 21 июнь, 74-сониде берилган «Каттақўрғон тумани молия идораси, газноклик хизмати ва бюджетдан ташқари пенсия фонди биносини реконструкция қилиш» объекти бўйича бюргетчи томонидан лойиҳа-смета ҳужжатларига ўзгартиришлар киритилганлиги сабабли объектнинг бошланғич нархи: ҚҚС билан — 716 510 488 сўм, ҚҚСсиз — 597 092 073 сўмга ўзгартирилган, шунингдек, танловор ташкилотлар тақлифларини тезлик баҳолаш мезонларига ҳам ўзгартиришлар киритилганлигини ҳамда пудратчи ташкилотнинг танлаш барча турдаги субъектлар ўртасида ўтказилишини маълум қилади.

MUASSIS:

O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TANHIR HAY'ATI:

Abdulla ORIPOV	Ulug'bek MUSTAFOYEV	Muslihdiddin MUHIDDINOV
Latif G'ULOMOV	Tat'yana KISTANOVA	Ochilboy RAMATOV
Bobir ALIMOV	(Bosh muharrir o'rinbosari)	Saidahmad SAIDAHMAD
Sharbat ABDULLAYEVA	G'afar HOTAMOV	(Bosh muharrir o'rinbosari)
Murodulla ABDULLAYEV	(Bosh muharrir o'rinbosari)	RAHIMOV

BO'LIMLAR:

Partiya hayoti — 233-10-13; Madaniyat va sport — 233-69-45; Ijtimoiy hayot va iqtisodiyot — 233-44-55; Jamoatchilik bilan aloqalar va huquqiy targ'ibot — 233-12-56; Reklama va e'lonlar — 233-38-55, 233-47-80; Kотиbiyat — 233-72-83, 236-55-17.

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'y xatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonani manzili: Buyuk Taron ko'chasi, 41-uy. Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 746
11278
nuxsada bosildi.

t — Tijorat materiallari
Topshirish vaqti — 21.00
O'za yakuni — 21.00
Topshirilgan vaqti — 21.45

Sotuvda erkin narxda

Navbatchi: Asror MO'MINOV

Sahifalovchi-dasturchilar: Sobirjon TUNG'ATOV, Zafar BAKIROV

ISSN 2000-7433

1 2 3 4 5